

Châng Thlan: *1 Petera 4:12–14, 19.*

Zirlaite Tân:

Hriat Tûr: Krista zuitûte tân chuan fiahna leh tawrhate hi thil thleng ngêi tûr leh hamthatna leh malsâwmna anga thlîr a nih zâwk dân hriat.

Vei Tûr: Fiahate hi mi sualte chhandam nâna Pathian ruâhman a ni tih hriatna chung a lâwmna ataka chan.

Tih Tûr: Siamtu rinawm hnêna mahni inkawltûr leh thil thâ tih zui zêl.

Thupui Then:

I. Hriat Tûr: Fiahna leh Tawrhate Thleng Tûra Rin

- A. Engati nge ringtûten fiahate hi Kristian nun pêng khat anga thleng tûra ring tûr an nih?
- B. Engtin nge Petera thurâwn hi Thuthlung Thar châng dangte nê a inrem tlân? (En tûr: *Matt. 5:10–12; 24:9; Johana 15:20; 2 Korin 12:10; 2 Tim. 3:12; 1 Petera 1:6, 7; Jakoba 1:2–4, 12.*)

II. Vei Tûr: Fiahate Tawrh Chhônga Lâwm

- A. Petera sawi dânin, engati nge ringtûte hi fiahate an tawrh lai pawha hlim tûr an nih?
- B. Kristâ hming avânga chêksawlhna hi engtianga chhông tûr nge kan nih ang?

III. Tih Tûr: Rinawm Tlat Tûra Intiâm

- A. Rinawm châkna neih leh rinawm tûra intiâm hi enge a danglamna?
- B. Engati nge Petera hian “Siamtu rinawm” (*1 Petera 4:19, NIV*) tih hi a târlan? (*Thupuan 3:14* nê khai khin la.) Rinawm tûra kan intiamna nê eng inzawmna nge awm?

KHÂIKHÂWMNA: Petera lehkhathawn chhiartûte chu, anmahni fiahna tûr thil tawrh har takte an chung a thleng thei a ni tih hre tûra hriattûr an ni a, chû chu “Pathian chhôngte zîngah rorêl hun a nih tawh vâng a ni,” (*1 Petera 4:17, NASB*). Chûng chu makti taka dawngsawng tûr an ni lo va, Kristâ tawrhate tawmpuitu an nih

avângin an lâwm zâwk tûr a ni; Siamtu rinawm hnênah chuan inkawltûrin, thil dik tih chu an chhunzawm zêl zâwk tûr a ni.

INZIRTÎR DÂN TÛR

RAHBI 1-NA— CHAWKPÛR RAWH

Bible Châng Thlûr Bing Tûr: *1 Petera 4:12, 13, 19.*

Thlarau nun ðanna atâna thu pawimawh: A tûr aţanga a tâwp hmu lâwkvektu Pathian chuan, keini leh kan thlarau ðanna atâna thil ða ber tûr chu A hre vek a. Fiahna leh harsatnaten kan nuna nungchang-chherna a thlen dân pawh A hmu vek bawh (*1 Petera 1:6, 7; Jakoba 1:2–4*). Isua pawhin A tawrhna hmangin thuâwih leh nungchang ða famkima chherpuitlin dân a zir ang khân (*Hebrai 2:10; 5:8, 9*), keini pawhin, A tih anga kan tih a, Pathian kuta inkawltûr a, thil dik kan tih vê tlat chuan, chutiang zârah chuan kan lo puitling vê thei ang. Hetianga tawrhna hmanga nungchang chher puitlin hi, kan tâna Pathian zahngaihna a ni (*1 Petera 4:19*).

ZIRTÎRTÛTE PUÂL: Sawifiahtu mi tam tak chuan *1 Petera 4:11* leh *4:12* hi thu hrang niin an hre tlâng a. *Châng 11* hi thutlângkawmna ‘Amen’ tiin a tâwp a. *Châng 12* hi tû emawte va biakna thûin a inţan leh ta thung a, Petera hian thu dang lo lang thar hmangin inbiakna bul a ðan thar leh ta niâwm tak a ni. Mi ðhenkhat chuan Rome khawpuia Lalber Nero-an ro a rêl laia (AD 64) khawpui kâng râphtlâk tak thû kha Petera hian a hria ang a, chuvâng chuan a lehkhathawn chhiartûte chung a ‘fiahna na tak’ lo thleng tûr angin a hmû niin an ring. Chutiang chiah chu Petera sawi tum a ni tih kan chiah chiah lo nân, Rome khawpui kan hun nêh kha chuan induh vêl viau âwmin a lang. Eng pawh chu ni se, Petera khân ringtûten an hmachhawn tûr tihduhdahna meipui lo alh tûr chu a hmu lâwk a. Chutiang tihduhdahna chu, khawvêl hun nhuhnungah pawh a lo la thleng dân tih a hmû a ni (“Engkim tâwpna chu a hnâi ta” tiin a sawi [*1 Petera 4:7, NIV*]). Hê a thusawi hi tlip nân *Ezekiela 9:6* thû: “Rorêlna chu Pathian chhûngte-ah ðan a hun tawh sî a” (*1 Petera 4:17, NASB*) tih kha a la chhuak a. Chutiang thil lo

thleng tûr chu Amah Isua ngêi pawh khân a lo sawilâwk a ni lâwm ni (*Matt. 24:9; Johana 16:2*)?

Hawn Nâna Tihtûr leh Sawi Ho Tûr: In pâwlte chu 2 *Timothea 3:12* chhiar rualtûr la. Parthian mi rinawmte chung a tihduhdahna thlen chhan hrang hrangte chu sawi ho teh u. In pâwl member-te chuan *Thupuan 12:17*-a sawi dragon thinrimna ang chî hi atakin an lo tawng vê tawh nge, la tawng lo?

RAHBI 1-NA—ZAWNG CHHUAH RAWH

ZIRTÏRTÛTE PUÁL: *1 Petera 4:12*-in a sawi ‘fiahna na tak’ tih hi Grik tawng kallhmang zirna lamah tûna thil thleng mêk nge, lo thleng tan nge, Petera lehkhathawn chhiartûte hmalam hun a thleng tûr zâwk tih a Chiang chiah lo. ‘Fiahna na tak’ (pyr-osis) tih hian tûna thil kal mêk sawina ang chi thu pahnih hmangin, thil in tan tawh tûna kal mêk emaw, thil lo thleng deuh nghâl mai tûr te, nakin lawka thleng tûr tûna thleng mêk ang a sawina te pawh a kâwk thei. *Châng 17*-a Petera sawi erawh hi chu, rorêlna tan hun niin, a awmzia pawh a Chiang thawkhat a. *Châng 14-16* lama ‘chuan’ tih hian thil la thleng chiah lo, thleng ngêi tûra ngaih theih a kâwk thung a ni.

ZIR ZÂUNA

I. Tawrhna Chunga Kan Rilru Puthmang (*1 Petera 4:12, 13.*)

Petera hian *1 Petera 4:12, 13*-ah thil pawimawh pahnih a sawi a. Pakhat chu fiahna leh tawrhna kan chung a lo thleng hi, kan chung a thil mak lo thleng angin mak kan ti tûr a ni lo, chutiang chu hrilhlâwk diam kan ni tawh (*Johana 15:18-21, 16:2-4*) tih a ni. A dang chu, kan chung a tawrhna a lo thlenin kan lâwm zâwk tûr a ni, Kristâ tawrhate tawmpuitu kan ni zâwk sî a tih a ni. A ropuina tihlan (A lo kal) hunah kan lâwmna chu a la zuâl zêl dâwn a ni

(*1 Petera 1:6, 7; Jakoba 1:2-4*). Pathian khawngaihna zârah, chutiang rilrû chu kan put phawt chuan, chinfel theih lo eng mah kan nei lo vang.

Ngaihtuah Teh: Engtin nge fiahnate leh tawrhate hi kan hmachhawn ang? Engvângin nge hêng thilte hian min thâwn thut lohna chhan tûr?

II. Tawrhnaa Kan Nuntawng (*1 Petera 4:14–16.*)

Châng 14 leh *16*-ah hian “chuan” tih thû a lo lang a, hêng hi (Grik tawngin) thil nih dân dik tak sawina ni tho vin, chêksawlh leh tawrhate chu hmalam huna lo la thleng ngêi tûr anga ngaih a ni. Petera hian chûng chu ataka a lo thlen hun atân a lehkhathawn chhiartûte chu thurâwn a lo pe lâwk a; Kristâ hming avânga chêksawlhna lo thleng chu malsâwmna anga thlîr a, tawrhna avâng chuan Pathian chu fak zâwk tûr a ni. A kêra *châng 15*-naah hian Peteran khapna thupêk ang zâwng tawngkam a hming a, chû chu hmalam hun thlîrin, a lehkhathawn chhiartûte chuan thil sual tih vânga tawrhna an pumpelh tûr a ni tiin thurâwn a pê a. Chû âi chuan Kristâ hming an put avânga mualphona an tawrh pawhin, hamthamna ngaiin an lâwm zâwk tûr a ni.

Ngaihtuah Teh: ‘Kristian’ tih thû hi Thuthlung Tharah hian *Tirhkohte 11:26; 26:28*-ahte chia hman a ni a. Kristian ni vê loten an hmuhsitna tawngkam a ni. Tirhkohte hunlai khân, engtin nge thil dik tih avânga tawrhna khân hê tawngkam hman hi awmzenei tûra a tanpui?

III. Rorêlna Hun (*1 Petera 4:17, 18.*)

1 Petera 4:17-ah hian, Peteran a lehkhathawn chhiartûte hnênah hetih huna ‘fiahna na tak’ lo thlen chhan ni thei tûr âwm chu a hrilh a. A hmâin “Engkim tâwpna hun chu a hnâi ta” (*1 Petera 4:7*, NIV) tiin a lo sawi tawh a. Hun hnuhnung thlîrin, Isuâ lo kal leh hmâa Rorêlna, *Ezekiela 9*-in a lo sawi lâwk, Pathian chhûngte chung a tan mai tûr (tûnah chuan tempul âiin kohhranah) chu a hmu lâwk a ni ang. Hei hian mi suaksualte chu “khawpuia thil tenawm tih vânga lungngai leh tap thînte” (*Ezek. 9:4*, NIV) laka thliâr hrangin, Pathian chhûngte chu tihthianghlim an ni ang. Tihduhdahna

hmanga ‘fiahna na tak’ chuan chutiang chu a thlen dâwn a. *Ezekiela 9:6* hian LALPÂ thusawî: “(Inthah hnâ) chu hmun thianghlîma ÷an” tûr chu a târlang a. Tichuan tempul kawta (chhûnga) upa awm ho a÷ang chuan ÷an a ni ta a ni (NIV). *Thufingte 11:31* thû hi a hmâa thil thleng tawh anga sawiin, Peteran, “Keimahni chung a ÷an a nih chuan, Pathian chanchin ÷a âwih lotûte chung a thleng chu eng tak ni ang mâw?” (*1 Petera 4:17*, NIV) tiin zawhna a siam ta hial a ni.

Ngaihtuah Teh: *Ezekiela 8*-ah, Pathianin inlârna hmanga zâwnei hnêna thil tenawm lian tak tak chi lî (Jerusalem tempul) chhûnga tih, a thin tirimtute chu Pathian in a hmuhtûr thû kan chhiar a. *Ezekiela 9*-ah A in chhûng ngêia chûng thil tenawmte ti ÷hîntû A mîte chung a Pathian hremna a chuâng a. Pathianin mi pakhat, puanzâisîna inthuan, chhinchhiahna hlotui keng hnênah khawpui chu fang chhuak a “khawpui a thil tenawm tihte avânga lungngaia ÷ap ÷hînte chu an chala chhinchhiah” (*Ezek. 9:4*, NIV) tûrin a hrilh a. Chutah thahna tûr hriamhrei keng mi parukte chu puanzâisîna inthuan chu zuia khawpui chu fang chhuak a, zahngaihna tel miah lo va that vek tûrin thû a pê a. “Mahse chhinchhiahna pû tû mah khawih suh” (*Ezek. 9:6*, NIV) tih a ni. Petera khân hetiang zâwng hian Pathian chhûngte chung a rorêlna chu a hmû a ni. Hê chhinchhiahna hian enge a entîr a, engvângin nge chû chhinchhiahna chu dawng tûra Pathian mîte hian ÷ahnemngai viau tûr an nih ang?

Sawihô Tûr Zawhnate:

- ❶ Keimahni nuna fiahna leh tawrhna lo thlengte chungah hian eng rilrû pu tûr nge kan nih?
- ❷ Engati nge Pathian chu Siamtu rinawm a nihna rinchhan a, fiahna leh harsatna kârah pawh thil ÷hâ kan tih chhunzawm zêl ang?

RAHBI 3-NA—NUNA BEL TÛR

ZIRTÛRTÛTE PUÂL: Peteran *Thufingte 11:31* thû “Khawvêlah hian mi felte mah chhandam hrâm an nih chuan, Pathian ngaihsak lo leh mi sualte chu engtin tak ni ang maw?” (*1 Petera 4:18*) tih a sawi a.

Hê thû hi a dik rêng a ni, a awmzia chu mi fel pawh harsa taka chhandam an ni dâwn tihna a ni. Bible-in hê thû a sawi hi eng a tihna nge ni ang? Mi thenkhat chuan bo nih âi chuan chhandam nih a awlsam zâwk an ti a. Kristiante hian hê thû hi enganga hrethiam vê tûr nge an nih?

Ngaihtuah Teh:

- ① Mahnî nunah hrehawm tuâr tûr ka ni dâwn em ni tiin zawhna siam ta ila, engati nge chutiang zâwng rilru put chu a dik loh?
- ② Fiahna leh harsatnate a lo thlen chângin rilru dik put theih nân ka nunah enge lo thlen hmasak ngai ang? Chutiang harsatnate chu engtin nge ka lo dawnsawn thin?
- ③ Engtiang kawngtein nge keimâ nunah, Pathian chu rinawm, Siamtu innghahna tlâk a lo nih?

Tihtûr: In pâwl thenah, tûn huna Kristiante chu an rinna avânga tihduhdah an nihna hmunte leh, tihduhdahna an hmachhawn dân sawi ho teh u. An tâna tawngtaisak thin tûrin tawngtai pâwl din ula, member zîngah harsatna lo tuâr tawh emaw, fiahna leh harsatna tuâr mai thei âwmte in hre deuh bîk dâwn nia.

RAHBI 4-NA—BORUAK SIAM RAWH

ZIRTÎRTÛTE PUÂL: Mi tam zâwkte hi chuan Kristâ hming avânga tihduhdahna tihtham kan la tuâr lo maithei a, mahnî nuna fiahna lo thlengte erawh chu kan hre vê nualin a rinawm. Hetah hian Peteran fiahna lo thleng satliah a sawi lo va, Kristian nih avânga fiahna khirh zual deuh ang chî a sawi a ni (*1 Petera 4:14, 16*). Petera lehkhathawn chhiartûte dinhmun zu lainat phâk tûr chuan nuntawnga kan lo paltlang vête pawh a ngai maithei. Tûnlai huna mîte pawhin an paltlang mêk zu hriatthiampui tak tak thei tûr chuan, kan zînga member tûten emaw an tawn ngêi an sawi ngaihthlâk hi a sâwtpuiawm thei hlê a ni. Chutiang atân chuan www.opendoorsusa.org/Christian-persecution/stories tih hi lo luhchilh vê teh u.

Tihtûr: A theih chuan, khawvêl map lian tâwk zâr thei ula. Kristâ hming avânga tawrhna thlenna hmun hrang hrang inkawhmmuh thei ta ula. Chûng hmuna harsatna tuâr ringtûte, hriat theih a nih pheih chuan an hmingte pawh lam ngêia ʔawngʔaisak ni se a ʔhâ ang.